

УЧИНЧИ БЎЛИМ

ЎЗБЕКИСТОН RESPUBLIKASI VAZIRLAR MAHQAMASINING QARORI

507 Ўзбекистон Республикаси Хукуматининг айрим қарорларига ўзгартириш ва қўшимчалар киритиш тўғрисида (Ўзбекистон Республикасининг «Қимматли қоғозлар бозори тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида» 2015 йил 3 июндаги ЎРҚ–387-сон ҳамда «Инвестиция ва пай фондлари тўғрисида» 2015 йил 25 августдаги ЎРҚ–392-сон қонунлари)

Ўзбекистон Республикасининг «Қимматли қоғозлар бозори тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида» 2015 йил 3 июндаги ЎРҚ–387-сон ҳамда «Инвестиция ва пай фондлари тўғрисида» 2015 йил 25 августдаги ЎРҚ–392-сон қонунларига мувофиқ Вазирлар Маҳкамаси **қарор қилади:**

1. Ўзбекистон Республикаси Хукуматининг иловага мувофиқ айрим қарорларига ўзгартириш ва қўшимчалар киритилсин.

2. Вазирликлар ва идоралар бир ой муддатда ўзларининг идоравий норматив-ҳуқуқий ҳужжатларини ушбу қарорга мувофиқлаштирсинлар.

3. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари Р.С. Азимов зиммасига юклансин.

**Ўзбекистон Республикасининг
Бош вазири**

Ш. МИРЗИЁЕВ

Тошкент ш.,
2015 йил 23 сентябрь,
274-сон

Вазирлар Маҳкамасининг
2015 йил 23 сентябрдаги 274-сон қарорига
ИЛОВА

**Ўзбекистон Республикаси Ҳукуматининг айрим
қарорларига киритилаётган ўзгартириш ва қўшимчалар**

1. Вазирлар Маҳкамасининг 1993 йил 21 январдаги 45-сон қарори билан тасдиқланган Ўзбекистон Республикаси Ташқи иқтисодий фаолият миллий банки уставининг 18-бандида:

қуйидаги мазмундаги йигирма иккинчи ва йигирма учинчи хатбошилар қўшилсин:

«қимматли қоғозларнинг уюшган савдоларида қимматли қоғозларга доир битимлар натижалари бўйича пул маблағларининг ҳисоб-китобларини амалга оширади;

қимматли қоғозларга доир нархлар, талаб ва таклиф даражасини сақлаб туриш (қимматли қоғозлар бозори ликвидлилиги) учун маркет-мейкер хизматлари кўрсатади»;

йигирма иккинчи хатбоши йигирма тўртинчи хатбоши деб ҳисоблансин.

2. Вазирлар Маҳкамасининг 1994 йил 8 июндаги 285-сон қарори билан тасдиқланган Ўзбекистон Республикаси ҳудудида қимматли қоғозлар билан битишувлар тузиш ва уларни рўйхатдан ўтказиш тартиби тўғрисидаги низомда:

а) 1-банддаги «қимматли қоғозларнинг муомалада бўлиши» сўзлари «қимматли қоғозларни жойлаштириш ва уларнинг муомалада бўлиши» сўзлари билан алмаштирилсин;

б) 5-бандда:

биринчи хатбошидаги «қимматли қоғозларнинг биржа бозорида ва уюшган биржадан ташқари бозорда» сўзлари «қимматли қоғозларнинг уюшган савдоларида» сўзлари билан алмаштирилсин;

учинчи хатбошидаги «Инвестор» сўзи «Акциялар эгаси» сўзлари билан алмаштирилсин;

в) 5¹-банддаги «инвесторлар» сўзи «сотувчи» сўзи билан алмаштирилсин;

г) 6-банд қуйидаги таҳрирда баён этилсин:

«6. Қимматли қоғозларни харид қилиш ва (ёки) сотиш нархини оммавий эълон қилиш йўли билан ўз номидан ва ўз ҳисобидан қимматли қоғозларнинг олди-сотди битимларини содир этадиган маркет-мейкер олдиндан эълон қилинган охири қатъий (қатъий белгиланган) нархларга ва қимматли қоғозлар сонига аниқ мувофиқ равишда унга қимматли қоғозлар харид қилиш ёки сотиш тўғрисидаги таклифлар билан мурожаат қилган шахслар билан битимлар тузиши ва бундай битимлар тузишдан бош тортмаслиги шарт.

Маркет-мейкер қимматли қоғозлар олди-сотди шартномасининг бошқа муҳим шартларини: харид қилинадиган ва (ёки) сотиладиган қимматли қоғозларнинг энг кам ва энг кўп сонини, шунингдек эълон қилинган нархлар амал қиладиган муддатни оммавий эълон қилиш ҳуқуқига эга. Ушбу эълонда қимматли қоғозлар олди-сотди шартномасининг бошқа муҳим шартларига кўрсатма мавжуд бўлмаган тақдирда, маркет-мейкер унга мижоз томонидан таклиф қилинган муҳим шартларда шартнома тузишга мажбур. Маркет-мейкер қимматли қоғозлар олди-сотди шартномасини тузишдан бош тортган тақдирда унга нисбатан бундай шартномани мажбурий тузиш ва (ёки) мижозга етказилган зарарларни қоплаш тўғрисида даъво тақдим этилиши мумкин.

Маркет-мейкер томонидан муайян қийматли қоғозларга бўлган нархлар, талаб ва таклиф даражасини сақлаб туриш учун қимматли қоғозларга доир битимлар тузиш қимматли қоғозлар бозорида ҳийла-найранг ишлатиш ҳисобланмайди».

д) 8-банднинг биринчи хатбошидаги «мутахассисларини қайта тайёрлайдиган» сўзлари «мутахассисларини қайта тайёрлайдиган ва уларнинг малакасини оширадиган» сўзлари билан алмаштирилсин;

е) 10-банд қўйидаги таҳрирда баён этилсин:

«10. Инвестиция воситачилари мижознинг ҳисобидан битимларни фақат узайтириш имконияти билан бир йил учун тузиладиган брокерлик ва депозитар хизматларини кўрсатиш шартномасига мувофиқ тузишлари мумкин.

Мижоз шартнома бажарилгунга қадар унинг амал қилишини бир томонлама тўхтатиш ҳуқуқига эга»;

ж) 18-банднинг иккинчи ва учинчи хатбошилари қўйидаги таҳрирда баён этилсин:

«уларнинг савдо майдончаларида содир этилган битимлар бўйича — қимматли қоғозларнинг биржадан ташқари савдо ташкилотчилари, фонд биржаси ва валюта биржаларнинг фонд бўлимлари томонидан;

қимматли қоғозлар билан бошқа битимлар бўйича — қимматли қоғозларни бегоналаштирувчига хизмат кўрсатадиган Марказий депозитарий ва инвестиция воситачилари томонидан амалга оширилади»;

з) 21-банд ўз кучини йўқотган деб ҳисоблансин;

и) 25¹-бандда:

биринчи хатбошидаги «Депозитарий» сўзи «Инвестиция воситачиси» сўзлари билан алмаштирилсин;

қўйидаги мазмундаги хатбоши қўшилсин:

«Мазкур банднинг талаби Қимматли қоғозлар марказий депозитарийсига ҳам татбиқ қилинади».

3. Вазирлар Маҳкамасининг 1996 йил 30 мартдаги 126-сон қарори (Ўзбекистон Республикаси ҚТ, 1996 й., 3-сон, 11-модда) билан тасдиқланган Ўзбекистон Республикаси Давлат рақобат қўмитаси ҳузуридаги Қимматли қоғозлар бозорини мувофиқлаштириш ва ривожлантириш маркази тўғрисидаги низомда:

а) 5-банднинг бешинчи хатбошидаги «қимматли қоғозлар бозори тўғрисидаги қонун ҳужжатлари» сўзлари «қимматли қоғозлар бозори тўғрисидаги ҳамда акциядорлик жамиятлари ва акциядорларнинг ҳуқуқларини ҳимоя қилиш тўғрисидаги қонун ҳужжатлари» сўзлари билан алмаштирилсин;

б) 7-бандда:

иккинчи хатбоши қуйидаги таҳрирда баён этилсин:

«Марказ томонидан қонун ҳужжатларида белгиланган тартибда олинадиган йиғимлар ва қонун ҳужжатларида тақиқланмаган бошқа манбалар ҳисобига шаклланадиган Марказни ижтимоий ривожлантириш ва ходимларини моддий рағбатлантириш жамғармасини ташкил этиш»;

саккизинчи хатбоши қуйидаги таҳрирда баён этилсин:

«инвесторларнинг, қимматли қоғозлар эгаларининг ҳамда давлатнинг ҳуқуқлари ва манфаатларини ҳимоя қилиш мақсадида давлат божи тўламасдан судга даъво тақдим этиш»;

қуйидаги мазмундаги хатбошилар қўшилсин:

«қимматли қоғозлар бозорида ҳийла-найранг ишлатиш ва инсайдер ахборотдан фойдаланиш аломатларини белгилаш;

қимматли қоғозлар савдосининг ташкилотчилари томонидан кафолат фондини шакллантириш ва ундан фойдаланиш тартибини белгилаш;

инвестиция воситачиси томонидан мижозларнинг пул маблағларини ҳисобини юритиш ва уларнинг бут сақланишини таъминлаш тартибини белгилаш;

ахборот технологиялари ва коммуникациялари соҳасидаги махсус ваколатли орган билан биргаликда инвестиция воситачиси томонидан мижозларга депо ҳисобварақлар очиш, қимматли қоғозларни сотиб олиш ва сотиш учун уларнинг топшириқларини қабул қилиш, мижозларга бошқа хизматларни электрон шаклда ва ўзга алоқа воситалари орқали кўрсатиш тартибини белгилаш;

Қимматли қоғозлар комиссиялари халқаро ташкилоти аъзолари бўлган бошқа давлатларнинг қимматли қоғозлар бозорини тартибга солиш бўйича ваколатли органлари билан махфий ва бошқа турдаги ахборот билан белгиланган тартибда алмашиш ҳуқуқига эга».

4. Вазирлар Маҳкамасининг «Инвестиция ва хусусийлаштириш инвестиция фондлари фаолиятини такомиллаштириш чора-тадбирлари тўғрисида» 1998 йил 25 сентябрдаги 410-сон қарорида:

а) 1-банднинг иккинчи хатбоши чиқариб ташлансин;

б) 2-иловада:

2-банд қуйидаги таҳрирда баён этилсин:

«2. Инвестиция фондларини ташкил этиш ва уларнинг фаолияти «Қимматли қоғозлар бозори тўғрисида», «Инвестиция ва пай фондлари тўғрисида», «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Ўзбекистон Республикаси қонунлари, мазкур Низом ва Ўзбекистон Республикасининг бошқа қонун ҳужжатлари билан тартибга солинади»;

4-банд куйидаги тахрирда баён этилсин:

«4. Инвестиция фонди деб инвесторларнинг пул маблағларини жалб этиш ва уларни инвестиция активларига қўйиш мақсадида акциялар чиқаришни амалга оширувчи юридик шахс — акциядорлик жамияти ҳисобланади»;

6-банднинг биринчи хатбошидаги «очиқ» сўзи чиқариб ташлансин;

11-бандда:

иккинчи хатбошидаги «очиқ» сўзи чиқариб ташлансин;

олтинчи хатбошидаги «депозитарий тўғрисидаги маълумотлар» сўзлари чиқариб ташлансин;

13-банднинг иккинчи — бешинчи хатбошилар чиқариб ташлансин;

23-банд куйидаги тахрирда баён этилсин:

«23. Акциялар чиқаришни рўйхатдан ўтказиш учун инвестиция фонди Марказга қонун ҳужжатларида белгиланган тартибда ва муддатда акциялар чиқариш тўғрисидаги қарор ва бошқа ҳужжатларни тақдим этади»;

40-банд ўз кучини йўқотган деб ҳисоблансин;

60-банд куйидаги тахрирда баён этилсин:

«60. Инвестиция фонди:

фаолиятни лицензия олмасдан амалга оширишга;

корпоратив облигациялар ва инфратузилма облигациялари, шунингдек имтиёзли акциялар чиқаришга;

инвестиция фонди соф активларининг 10 фоизидан ортигини бир эмитентнинг қимматли қоғозларига ёки масъулияти чекланган жамиятнинг улушига инвестиция қилишга;

тўланиши лозим бўлган қарзларнинг жами ҳажми кредит ва (ёки) қарз битими имзоланган санадаги инвестиция фонди соф активлари қийматининг 15 фоизидан ошиб кетган тақдирда кредит ва (ёки) қарз маблағларини жалб этишга (бунда кредит ва (ёки) қарз муддати уч ойдан ошмаслиги керак);

кафил бўлишга, мол-мулкни ёки мулкий ҳуқуқларни гаровга қўйишга;

ташкилий-ҳуқуқий шакли ўз иштирокчиларининг қўшимча жавобгарлигини назарда тутадиган хўжалик жамиятларининг қимматли қоғозларига ва улушларига инвестицияларни амалга оширишга;

ишончли бошқарувчи, аудиторлик ташкилотлари томонидан чиқарилган қимматли қоғозларга инвестицияларни амалга оширишга, шунингдек уларнинг устав капиталидаги улушларини олишга;

бошқа инвестиция фондларининг акцияларини олишга ва уларга эга бўлишга;

инвестиция фаолияти билан боғлиқ бўлмаган битимлар тузишга, опционлар ёки фьючерслар олишга;

умумий суммаси фонд соф активларининг 10 фоизидан ортиқ инвестицияларни амалга оширишга (бундан қимматли қоғозларга қўйиш мустасно) ҳақли эмас»;

63-банднинг учинчи хатбоши чиқариб ташлансин;

66-банд куйидаги тахрирда баён этилсин:

«66. Инвестиция фонди ахборотни қонун ҳужжатларида акциядорлик жамиятлари учун белгиланган тартибга асосан ошқор қилади»;

71-банд ўз кучини йўқотган деб ҳисоблансин;

74-банднинг иккинчи хатбошидаги «60-банднинг 4 — 7, 9, 13, 14-хатбошиларда» сўзлари «60-бандида» сўзлари билан алмаштирилсин.

5. Вазирлар Маҳкамасининг «Қимматли қоғозларнинг марказий депозитарийсини ташкил этиш ва унинг фаолияти масалалари тўғрисида» 1999 йил 21 майдаги 263-сон қарорида (Ўзбекистон Республикаси ҚТ, 1999 й., 5-сон, 27-модда):

а) 2-банд қўйидаги таҳрирда баён этилсин:

«2. Белгилансинки, қўйидагилар Марказий депозитарийнинг мутлақ функциялари ҳисобланади:

қимматли қоғозларни ҳисобга қўйиш;

ҳужжатли қимматли қоғозларни сақлаш;

қимматли қоғозлар чиқарилганлигини тасдиқловчи ҳужжатларни сақлаш;

қимматли қоғозлар эгаларининг реестрларини юритиш;

давлатнинг қимматли қоғозларга бўлган ҳуқуқларини, шунингдек қимматли қоғозларни бошқариш бўйича давлат ваколат берган шахсларнинг қимматли қоғозларга бўлган ҳуқуқларини ҳисобга олиш;

инвестиция воситачиларининг депо ҳисобварақларини юритиш;

қимматли қоғозлардаги ҳисоб-китобларни белгиланган тартибда амалга ошириш;

Ўзбекистон Республикасининг норезидентлари томонидан чиқарилган Ўзбекистон Республикаси ҳудудида муомалага киритилган қимматли қоғозларни ҳисобга олиш;

Ўзбекистон Республикасининг резидентлари томонидан чиқарилган Ўзбекистон Республикаси ҳудудидан ташқарида муомалага киритилган қимматли қоғозларни ҳисобга олиш;

агар қонун ҳужжатларида бошқача қоида белгиланмаган бўлса, инвестиция фондлари томонидан чиқарилган ва уларга тегишли қимматли қоғозларга бўлган ҳуқуқларни ҳисобга олиш;

Депонентларнинг ягона базасини юритиш;

Ўзбекистон Республикасининг резидентлари томонидан чиқарилган эмиссиявий қимматли қоғозларга халқаро кодлар бериш;

депо ҳисобварақлари бўйича эмиссиявий қимматли қоғозлар ҳаракати тўғрисидаги ахборотни тўплаш ва тизимлаштириш»;

б) 2¹-банд қўйидаги таҳрирда баён этилсин:

«2¹. Марказий депозитарий қимматли қоғозлар эгаларининг реестрларини юритишга доир вазифаларини бажараётганда инвестиция воситачиларидан мазкур реестрларни шакллантириш учун зарур маълумотларни сўраш ва олишга ҳақли.

Марказий депозитарий қимматли қоғозлар эгаларининг реестрларини юритиш функцияларини бажараётганда қонун ҳужжатларига мувофиқ бошқа ҳуқуқларга ҳам эга бўлиши мумкин.

Қимматли қоғозлар марказий депозитарийси қимматли қоғозлар эгаларининг реестрларини юритиш функцияларини бажараётганда:

қимматли қоғозлар эгаларининг белгиланган санадаги ҳолатга кўра шакллантирилган реестрларини сақлаши;

қимматли қоғозлар эгаларининг реестрларидаги мавжуд ахборотни «Қимматли қоғозлар бозори тўғрисида»ги Ўзбекистон Республикаси Қонунига мувофиқ тақдим этиши;

қимматли қоғозлар эгаларининг реестрларидаги мавжуд ахборотнинг махфийлигини таъминлаши шарт.

Қимматли қоғозлар марказий депозитарийси қимматли қоғозлар эгаларининг реестрларини юритиш функцияларини бажараётганда қонун ҳужжатларига мувофиқ бошқа мажбуриятларга ҳам эга бўлиши мумкин».

6. Вазирлар Маҳкамасининг «Қимматли қоғозлар иккиламчи бозорини янада ривожлантириш чора-тадбирлари тўғрисида» 2003 йил 29 апрелдаги 196-сон қарорида (Ўзбекистон Республикаси ҚТ, 2003 й., 4-сон, 33-модда):

а) 1-иловада:

1-банддаги «давлатнинг қимматли қоғозлари бозори бундан мустасно» сўзлари чиқариб ташлансин;

2-бандда:

тўққизинчи хатбошидаги «хизматлар кўрсатувчи банк» сўзлари «хизматлар кўрсатувчи Ўзбекистон Республикаси Ташқи иқтисодий фаолият миллий банки» сўзлари билан алмаштирилсин;

қўйидаги мазмундаги хатбоши қўшилсин:

«неттинг — мижознинг барча пул талабларини унинг барча пул мажбуриятларига нисбатан ҳисобга олиш орқали амалга ошириладиган клиринг усули»;

3-банддаги «депозитарийлар» сўзи «инвестиция воситачилари» сўзлари билан алмаштирилсин;

5-банднинг еттинчи хатбошидаги «кафолат фондидан маблағларни шартнома асосида бериш йўли билан» сўзлари чиқариб ташлансин;

7-банд қўйидаги тахрирда баён этилсин:

«7. Ҳисоб-китоб-клиринг палатаси қўйидагиларга ҳақлидир:

ҳисоб-китоб-клиринг операцияларини амалга ошириш учун Марказий депозитарий, инвестиция воситачилари ва тижорат банклари билан шартномалар тузиш;

инвестиция воситачиларидан ҳисоб-китоб-клиринг операцияларини амалга ошириш учун зарур бўлган ахборотни олиш;

ҳисоб-китоб-клиринг палатаси аъзоси фонд биржаси, Марказий депозитарий ва савдоларнинг бошқа қатнашчиларидан қарздор бўлган тақдирда унга хизмат кўрсатишни тўхтатиш;

ҳисоб-китоб-клиринг палатаси аъзоларидан, Марказий депозитарий ва (ёки) ваколатли банкдан савдо яқунлари бўйича операциялар ўтказишга топшириқ ва (ёки) бошқа ҳужжатларни қабул қилиш;

ҳар хил турдаги солиштириш тизимларини ва клиринг усулларини, шу жумладан неттингни ўз хоҳишига кўра қўллаш»;

9-бандда:

учинчи ва тўртинчи хатбошилардаги «депозитарийлар» сўзи «инвестиция воситачилари» сўzlари билан алмаштирилсин;

ўн еттинчи хатбоши чиқариб ташлансин;

10-банд ўз кучини йўқотган деб ҳисоблансин;

V бўлим қуйидаги таҳрирда баён этилсин:

«V. Кафолат фонди

11. Инвестиция воситачиси томонидан инвесторга етказилган зарарнинг ўрнини қоплаш учун ҳисоб-китоб-клиринг палатаси инвестиция воситачисига (кейинги ўринларда — кафолат фонди қатнашчиси деб аталади) тегадиган воситачилик ҳақининг чегириб қолинадиган қисми ҳисобидан кафолат фондини шакллантиради, бунда воситачилик ҳақининг чегириб қолинадиган қисми бундай ҳақнинг 5 фоизини ташкил этади.

12. Ҳисоб-китоб-клиринг палатаси кафолатли фонд қатнашчиларининг маблағларини ҳисобга олиш ва сақлаш учун уларга захира ҳисоб рақамлари очади.

13. Кафолат фонди қатнашчиси маблағларнинг кафолатли фондга тушишини таъминлаши лозим. Бунда кафолат фонди қатнашчиси ўзи тасдиқлаган хизмат кўрсатиш ягона тарифларини улар тасдиқланган кундан бошлаб икки иш куни мобайнида ҳисоб-китоб-клиринг палатасига тақдим этади.

14. Ҳисоб-китоб-клиринг палатаси кафолат фонди қатнашчисининг топшириғисиз кафолат фонди қатнашчиларининг қимматли қоғозлари билан амалга ошмай қолган битишувлар бажарилишини таъминлаш учун уларнинг захира ҳисоб рақамларидан ушбу ҳисоб рақамларининг миқдорига мутаносиб маблағларни мустақил равишда олиши мумкин.

Кафолат фонди қатнашчиси айби билан инвесторга етказилган бошқа зарарларнинг кафолат фондидан қопланиши томонларнинг ўзаро келишуви ёки суд қарорига асосан амалга оширилиши мумкин.

15. Кафолат фонди қатнашчиси ҳисоб-китоб-клиринг палатаси билан тузилган шартномада белгиланган муддатда ҳисоб-китоб-клиринг палатасининг ҳаракатлари юзасидан суд тартибида шикоят қилишга ҳақли.

16. Кафолат фондининг маблағлари унинг қатнашчиларига тегишли бўлиб, ҳар бир қатнашчи бўйича алоҳида шакллантирилади ва ҳисоби юритилади.

17. Савдо ташкилотчилари ва кафолат фонди қатнашчилари ўзларининг расмий веб-сайтларида кафолат фондида тўпланган пул маблағларининг миқдори тўғрисидаги маълумотни ҳар куни янгилаган ҳолда кўрсатишлари шарт.

18. Кафолат фонди қатнашчиси захира ҳисоб рақамида ҳисоб-китоб-клиринг палатаси томонидан ушлаб қолинадиган суммадан кўпроқ суммани сақлашга ҳақлидир.

19. Кафолат фондининг маблағларидан мазкур Низомда белгиланмаган

бошқа мақсадларда фойдаланилиши мумкин эмас. Кафолат фондида қолган маблағлар кафолат фонди қатнашчисига у инвестиция воситачи сифатидаги фаолиятини тугатган тақдирда қайтарилиши керак»;

28-банд қуйидаги таҳрирда баён этилсин:

«28. Мазкур Низомни бузганликда айбдор бўлган шахслар белгиланган тартибда жавобгар бўлади»;

б) 2-иловада:

илова номидаги «депозитарийлар тизимида» сўзлари «депозитар тизимида» сўзлари билан алмаштирилсин;

1-банд қуйидаги таҳрирда баён этилсин:

«1. Ушбу Низом «Қимматли қоғозлар бозори тўғрисида»ги Ўзбекистон Республикаси Қонунига мувофиқ ишлаб чиқилган ва Ўзбекистон Республикаси депозитар тизимида депонентларнинг ягона базасига талабларни белгилайди. Бунда депозитар тизими деганда Ўзбекистон Республикаси ҳудудида қимматли қоғозларни сақлаш, уларга бўлган ҳуқуқларни ҳисобга олиш ва ўтиш тизими тушунилади»;

2-бандда:

биринчи ва иккинчи хатбошилардаги «депозитарийлар тизимида» сўзлари «депозитар тизимида» сўзлари билан алмаштирилсин;

тўртинчи хатбошидаги «депозитарийларнинг» сўзи «инвестиция воситачиларининг» сўзлари билан алмаштирилсин;

6-банд қуйидаги таҳрирда баён этилсин:

«6. Ягона база тизимида мавжуд депонентларни кодлаштириш қимматли қоғозлар бозорини тартибга солиш бўйича ваколатли давлат органи билан келишилган ҳолда Марказий депозитарий томонидан белгиланган тартибда ва муддатларда амалга оширилади»;

7-банддаги «депозитарий» сўзи «инвестиция воситачиси» сўзлари билан алмаштирилсин;

8-банд қуйидаги таҳрирда баён этилсин:

«8. Марказий депозитарий топшириқнома асосида бир иш куни мобайнида ягона база тизимида депонентни рўйхатдан ўтказиши ва унга код беради.

Депонент кодининг таркиби ва уни шакллантириш тартиби қимматли қоғозлар бозорини тартибга солиш бўйича ваколатли давлат органи билан келишилган ҳолда Марказий депозитарий томонидан белгиланади».

10 ва 17-бандлардаги «депозитарийнинг» сўзи «инвестиция воситачисининг» сўзлари билан алмаштирилсин;

11 ва 18-бандлардаги «Депозитарий» сўзи «Инвестиция воситачиси» сўзлари билан алмаштирилсин;

13-банд қуйидаги таҳрирда баён этилсин:

«13. Депонент реквизитлари ўзгарганлиги тўғрисидаги тасдиқловчи ҳужжатларни Марказий депозитарийга ва (ёки) инвестиция воситачисига қуйидаги ҳолларда тақдим этади:

жисмоний шахс учун — унинг фамилияси, исми, отасининг исми, солиқ тўловчининг идентификация тартиб рақами, жисмоний шахснинг шах-

сини тасдиқловчи ҳужжатнинг тартиб рақами ва серияси, шунингдек унинг боғланиш ва банк реквизитлари ўзгарган тақдирда;

юридик шахслар учун — унинг номи, солиқ тўловчининг идентификация тартиб рақами, давлат рўйхатидан ўтказилиш тартиб рақами ва санаси, шунингдек унинг боғланиш ва банк реквизитлари ўзгарган тақдирда.

Депонент реквизитлари ўзгарганда инвестиция воситачиси депонентнинг янги анкетаси маълумотлари асосида депонент реквизитларини ўзгартиришга электрон топшириқнома тайёрлайди ва уларни депонентнинг ўзгарган реквизитлари олинган кундан эътиборан икки иш куни мобайнида Марказий депозитарийга жўнатади».

7. Вазирлар Маҳкамасининг 2003 йил 9 июлдаги 308-сон қарори (Ўзбекистон Республикаси ҚТ, 2003 й., 7-сон, 60-модда) билан тасдиқланган Қимматли қоғозлар бозорида касбий фаолиятни лицензиялаш тўғрисидаги низомда:

а) 3-бандга қуйидаги мазмундаги тўртинчи хатбоши қўшилсин:

«Тижорат банклари ва суғурталовчилар мазкур банднинг иккинчи ва учинчи хатбошиларда кўрсатилган профессионал фаолиятни амалга оширишда мазкур Низомнинг 7-бандида белгиланган қимматли қоғозлар бозорида касбий фаолиятни амалга оширишнинг лицензия талаблари ва шартларига риоя қилиши шарт»;

тўртинчи ва бешинчи хатбоши тегишли равишда бешинчи ва олтинчи хатбоши деб ҳисоблансин;

бешинчи хатбоши қуйидаги таҳрирда баён этилсин:

«Қимматли қоғозлар бозорида инвестиция воситачиси ва (ёки) инвестиция активларининг ишончли бошқарувчиси сифатида касбий фаолиятни амалга ошириш ҳуқуқини берувчи лицензияга эга бўлган юридик шахс қимматли қоғозларни чиқариш масалалари бўйича маслаҳат хизматларини кўрсатиш ҳуқуқига эга. Бунда, у қимматли қоғозлар бозорида инвестиция консултант сифатида касбий фаолиятни амалга ошириш учун алоҳида лицензия олиши талаб этилмайди»;

б) 6-бандда:

иккинчи хатбошидаги «(брокери, дилери)» сўзлари чиқариб ташлансин; олтинчи хатбоши чиқариб ташлансин;

в) 7-бандга қуйидаги мазмундаги хатбоши қўшилсин:

«Мазкур банднинг «б» — «ж» кичик бандларида кўрсатилган қимматли қоғозлар бозорида профессионал фаолиятни амалга оширишнинг лицензия талаблари ва шартлари қимматли қоғозлар бозорида инвестиция фонди сифатида касбий фаолиятни амалга оширишга татбиқ этилмайди»;

г) 9-бандда:

«а)» кичик банднинг иккинчи хатбошидаги «(почта манзили)» сўзлари «(почта манзили), электрон почта манзиллари» сўзлари билан алмаштирилсин;

«б)» кичик банди чиқариб ташлансин;

«в)» кичик банди қуйидаги таҳрирда баён этилсин:

«в) лицензия талабгорининг аризаси лицензияловчи орган томонидан кўриб чиқилганлиги учун лицензия талабгори (чет эл инвестициялари иштирокидаги корхоналардан ташқари) томонидан йиғим тўланганлигини тасдиқловчи ҳужжат»;

«д)» кичик бандидаги «солиқ органининг белгиси ва» сўзлари чиқариб ташлансин;

«е)» кичик бандидаги «лицензияловчи орган томонидан тасдиқланадиган» сўзлари «Ўзбекистон Республикаси Молия вазирлиги томонидан тасдиқланадиган» сўзлари билан алмаштирилсин;

д) 10-банд қўйидаги таҳрирда баён этилсин:

«10. Инвестиция маслаҳатчиси ва инвестиция активларининг ишончли бошқарувчиси сифатида касбий фаолиятни амалга оширишга лицензия олиш учун лицензия талабгори қўшимча равишда талабгор томонидан тасдиқланган қўйидаги ҳужжатларнинг нусхаларини тақдим этади:

Қимматли қоғозлар билан операцияларни ички ҳисобга олиш қоидалари;

Мижознинг манфаатлари билан низо келиб чиққанда инвестиция маслаҳатчиси ва инвестиция активларининг ишончли бошқарувчисининг хатти-ҳаракатлари тартиби».

е) 12-банд қўйидаги таҳрирда баён этилсин:

«12. Инвестиция воситачиси сифатида фаолиятни амалга оширишга лицензия талабгори қўшимча равишда қўйидаги ҳужжатларни тақдим этади:

мижозларга хизмат кўрсатиш тартиби;

лицензияловчи органнинг талабларига мувофиқ бўлган депозитар операцияларни амалга оширишга қўйиладиган ички тартиб;

депозитар операцияларни амалга ошириш учун дастурий воситани сотган (берган) ташкилот билан тузилган депозитар операцияларни амалга ошириш бўйича дастурий воситадан тижорат мақсадида фойдаланишга муаллифлик лицензия шартномаси нусхаси;

депозитар операцияларни амалга ошириш бўйича дастурий таъминотнинг техник тавсифи;

депозитар операцияларни амалга ошириш учун фойдаланиладиган техник воситаларнинг тавсифлари кўрсатилган ҳолдаги рўяхати;

дастурий таъминот ва техник воситаларнинг инвестиция воситачиларининг дастурий-техник комплексларига қўйиладиган белгиланган талабларга мувофиқлиги ҳамда қимматли қоғозлар бозори профессионал қатнашчилари, фонд биржаси ва Марказий депозитарий билан электрон ўзаро ҳамкорликка тайёрлиги тўғрисида Қимматли қоғозлар марказий депозитарийсининг ҳулосаси;

Талабгор томонидан тасдиқланган мијозлар билан тузилган шартномаларга асосан кўрсатилган хизмат ва операцияларни ички ҳисобга олиш қоидалари нусхаси;

Талабгор томонидан тасдиқланган мијознинг манфаатлари билан низо келиб чиққанда инвестиция воситачисининг хатти-ҳаракатлари тартиби нусхаси»;

ж) 15-банднинг ўн иккинчи хатбошидаги «нархлар билан найранг қилишнинг» сўзлари «ҳийла-найранг ишлатиш ва инсайдер ахборотдан фойдаланишнинг» сўзлари билан алмаштирилсин;

з) 19-банднинг биринчи хатбоши қуйидаги таҳрирда баён этилсин:

«19. Лицензия талабгорининг (чет эл инвестициялари иштирокидаги корхоналардан ташқари) лицензия бериш тўғрисидаги аризаси кўриб чиқилганлиги учун ҳар бир бериладиган лицензия (қимматли қоғозлар бозорида касбий фаолиятнинг ҳар бир қисми) учун энг кам ойлик иш ҳақи миқдоридан йиғим ундирилади».

и) 22-банднинг биринчи хатбошидаги «Эксперт комиссияси мажлислари бир ойда камида бир марта ўтказилади» сўзлари чиқариб ташлансин;

к) 25-бандда:

учинчи хатбошига «давлат божи тўланганлигини» сўзларидан кейин «(чет эл инвестициялари иштирокидаги корхоналардан ташқари)» сўзлари қўшилсин;

тўртинчи хатбоши чиқариб ташлансин;

л) 26-банддаги «лицензия берилганлиги учун давлат божи тўланганлигини» сўзларидан кейин «(чет эл инвестициялари иштирокидаги корхоналардан ташқари)» сўзлари қўшилсин;

м) 42-банди қуйидаги таҳрирда баён этилсин:

«42. Лицензия берилганлиги учун энг кам ойлик иш ҳақининг тўрт баравари миқдоридан ёки қимматли қоғозлар бозорида касбий фаолиятнинг икки ва ундан ортиқ қисмига бир вақтда лицензия берилганлиги учун лицензия талабгоридан (чет эл инвестициялари иштирокидаги корхоналардан ташқари) энг кам ойлик иш ҳақининг беш баравари миқдоридан давлат божи ундирилади».

8. Вазирлар Маҳкамасининг 2003 йил 20 августдаги 357-сон қарори (Ўзбекистон Республикаси ҚТ, 2003 й., 8-сон, 72-модда) билан тасдиқланган Тадбиркорлик субъектларини давлат рўйхатидан ўтказиш, ҳисобга қўйиш ва рухсат берувчи ҳужжатларни расмийлаштириш тартиби тўғрисидаги низом 72-бандининг ўн биринчи хатбоши қуйидаги таҳрирда баён қилинсин:

«тадбиркорлик субъекти ажратиб чиқариш ва қўшиб олиш шаклида қайта ташкил этилган тақдирда — қайта ташкил этилаётган юридик шахсга маълум бўлган барча кредиторлар қайта ташкил қилиш ҳақида ёзма равишда хабардор этилганлигининг ва оммавий ахборот воситаларида ахборот эълон қилинганлигининг тасдиғи, қайта ташкил этилаётган юридик шахсларнинг уларнинг барча кредиторлар ва қарздорларига, шу жумладан томонлар даъволашаётган мажбуриятларга нисбатан барча мажбуриятлари бўйича ҳуқуқий ворислик тўғрисидаги қоидалар кўрсатилган бўлиш баланси ёки топшириш далолатномаси, шунингдек давлат рўйхатидан ўтказилганлик ҳақидаги гувоҳноманинг асл нусхаси, қўшиб олинаётган юридик шахснинг муҳр ва штампи (кичик тадбиркорлик субъектларидан ташқари), қайта ташкил этиш орқали тугатилаётган акциядорлик жамияти бўлганда эса қимматли қоғозлар бозорини тартибга солиш бўйича ваколатли давлат органининг мазкур

жамият акцияларининг чиқарилишини давлат рўйхатидан ўтказилганлигини бекор қилиш юзасидан чиқарган қарори».

9. Вазирлар Маҳкамасининг «Ўзбекистон Республикасининг давлат ўрта муддатли пул мажбуриятларини чиқариш тўғрисида» 2004 йил 10 январдаги 11-сон қарориди:

а) 2-бандда:

иккинчи хатбошидаги «қоғозсиз» сўзи «хужжатсиз» сўзи билан алмаштирилсин;

тўртинчи хатбошидаги «ёки ўзгарувчан» сўзлари чиқариб ташлансин;

б) ўзбек тилидаги матнда:

номидаги, 1-банддаги, 2-банднинг бешинчи-олтинчи хатбошилардаги ва 3-банднинг учинчи хатбошидаги «пул мажбуриятларини» сўзлари «ғазна мажбуриятларини» сўзлари билан алмаштирилсин;

2-банднинг иккинчи, учинчи ва тўртинчи хатбошилардаги «пул мажбуриятлари» сўзлари «ғазна мажбуриятлари» сўзлари билан алмаштирилсин.

10. Вазирлар Маҳкамасининг 2006 йил 16 октябрдаги 215-сон қарори (Ўзбекистон Республикаси ҚТ, 2006 й., 10-сон, 77-модда) билан тасдиқланган Давлатга тегишли акциялар пакетларини (улушларни) ишончли бошқарувга бериш тартиби тўғрисидаги низомнинг 11-банди ўз кучини йўқотган деб ҳисоблансин.

11. Вазирлар Маҳкамасининг «Қимматли қоғозлар бозори тўғрисида»ги Ўзбекистон Республикаси Қонунини амалга ошириш чора-тадбирлари ҳақида» 2008 йил 29 декабрдаги 284-сон қарориди (Ўзбекистон Республикаси ҚТ, 2008 й., 12-сон, 70-модда):

а) 1-иловада:

тўртинчи қатордаги «(брокерлар, дилерлар)» сўзлари чиқариб ташлансин;

бешинчи қатор чиқариб ташлансин;

б) 2-иловада:

5-банднинг 1 — 9 кичик бандлари қуйидаги тахрирда баён этилсин:

«1) эмитентнинг унинг таъсис ҳужжатларига мувофиқ тўлиқ ва қисқартирилган номи;

2) эмитентнинг ташкилий-ҳуқуқий шакли;

3) юридик шахсларнинг давлат реестрига эмитентни ташкил этиш тўғрисида ёзув киритилган давлат рўйхатидан ўтказиш тартиб рақами ва бундай ёзув киритилган сана;

4) эмитентнинг солиқ тўловчининг идентификация тартиб рақами (СТИР);

5) эмитентнинг жойлашган жойи (почта манзили), эмитентнинг хат-хабарларни олиш учун бошқа манзиллари мавжуд бўлган тақдирда — ушбу манзиллар, шу жумладан электрон почта манзили ва веб-сайт ҳам кўрсатилади;

6) эмитентнинг рўйхатдан ўтказувчи орган томонидан бериладиган ягона коди;

7) эмитентни тугатиш ёки қайта ташкил этиш тўғрисидаги маълумотлар;

8) эмиссиявий қимматли қоғозлар чиқариш (қўшимча чиқариш)га берилган давлат рўйхатидан ўтказиш тартиб рақами ва унинг берилган санаси, рўйхатдан ўтказувчи органнинг номи, давлат қимматли қоғозлари ҳолатида эса бундай қимматли қоғозлар чиқариш (қўшимча чиқариш)нинг рўйхатдан ўтказиш (идентификация) тартиб рақами ва унинг берилган санаси, шунингдек рўйхатдан ўтказиш (идентификация) тартиб рақами берган органнинг номи;

9) эмиссиявий қимматли қоғозларнинг тоифаси (тури, типи), серияси, шакли ва бошқа идентификация белгилари.

12. Вазирлар Маҳкамасининг 2009 йил 8 майдаги 132-сон қарори (Ўзбекистон Республикаси ҚТ, 2009 й., 5-сон, 36-модда) билан тасдиқланган Суд ҳужжатлари ва бошқа органлар ҳужжатларини мажбурий ижро этишда хатланган ва олиб қўйилган мол-мулкни сақлаш тартиби ҳамда шартлари тўғрисидаги низомда:

а) 15-банддаги «депозитарийга» сўзи «Қимматли қоғозлар марказий депозитарийсига ёки инвестиция воситачисига» сўзлари билан алмаштирилсин;

б) 21-банддаги «депозитарийга» сўзи «Қимматли қоғозлар марказий депозитарийсига ёки инвестиция воситачисига» сўзлари билан алмаштирилсин.

13. Вазирлар Маҳкамасининг 2012 йил 30 декабрдаги 374-сон қарори (Ўзбекистон Республикаси ҚТ, 2012 й., 12-сон, 94-модда) билан тасдиқланган Ўзбекистон Республикасининг Хусусийлаштириш, монополиядан чиқариш ва рақобатни ривожлантириш давлат қўмитаси тўғрисидаги низомнинг 9-банди «а» кичик бандининг саккизинчи хатбошидаги «депозитарийсига» сўзлари «инвестиция воситачисига» сўзлари билан алмаштирилсин.

14. Вазирлар Маҳкамасининг 2013 йил 20 августдаги 230-сон қарори (Ўзбекистон Республикаси ҚТ, 2013 й., 8-сон, 60-модда) билан тасдиқланган Хўжалик юритувчи субъектларнинг устав фондидаги (устав капиталидаги) акцияларни (улушларни) ва бошқа мулкый ҳуқуқларини олишга доир битимларни кўриб чиқиш ҳамда бундай битимларни тузиш учун олдиндан розилик олиш тартиби тўғрисидаги низомда:

а) 11-банднинг биринчи ва иккинчи хатбошилардаги «Депозитарийлар» ва «депозитарий томонидан» сўзлари тегишли равишда «Инвестиция воситачилари» ва «инвестиция воситачиси томонидан» сўзлари билан алмаштирилсин;

б) 12-банддаги «Депозитарийлар» сўзи «Қимматли қоғозлар марказий депозитарийси ва (ёки) инвестиция воситачилари» сўзлари билан алмаштирилсин.

15. Вазирлар Маҳкамасининг 2014 йил 2 июлдаги 176-сон қарори (Ўзбекистон Республикаси ҚТ, 2014 й., 7-сон, 67-модда) билан тасдиқланган Акциядорлик жамиятларининг корпоратив веб-сайтларига қўйиладиган та-

лаблар тўғрисидаги низомнинг 3-банди ўн биринчи хатбошидаги «39» рақами «44» рақами билан алмаштирилсин.

16. Вазирлар Маҳкамасининг «Қимматли қоғозларни муомалага киритиш квоталари ва тартиби тўғрисидаги низомни тасдиқлаш ҳақида» 2014 йил 20 августдаги 239-сон қарорида (Ўзбекистон Республикаси ҚТ, 2014 й., 8-сон, 90-модда):

а) 1-банддаги «муомалага киритиш» сўзлари «жойлаштириш ва муомалага киритиш» сўзлари билан алмаштирилсин;

б) иловада:

илованинг номи қуйидаги таҳрирда баён этилсин:

«Қимматли қоғозларни жойлаштириш ва муомалага киритиш квоталари ва тартиби тўғрисида низом»;

в) 2-бандда:

иккинчи хатбоши қуйидаги таҳрирда баён этилсин:

«қимматли қоғозларни номинал сақловчи — қимматли қоғозлар эгасининг ёки у вакил қилган шахснинг топшириғига кўра қимматли қоғозларни ҳисобга олишни ва уларга бўлган ҳуқуқларни тасдиқлашни қимматли қоғозларнинг эгаси бўлмаган ҳолда амалга оширувчи инвестиция воситачиси, Қимматли қоғозлар марказий депозитарийси»;

саққизинчи хатбошидаги «депозитарийларда» сўзи чиқариб ташлансин.

17. Вазирлар Маҳкамасининг «Давлат мулки объектларини хусусийлаштириш тартиби тўғрисидаги низомларни тасдиқлаш ҳақида» 2014 йил 6 октябрдаги 279-сон қарорида (Ўзбекистон Республикаси ҚТ, 2014 й., 10-сон, 104-модда):

а) 2-иловада:

2-бандда:

иккинчи хатбошидаги «бошқа биржалар» сўзлари «валюта биржалари» сўзлари билан алмаштирилсин;

йигирма биринчи хатбоши қуйидаги таҳрирда баён этилсин:

«биржа савдоларига хизмат кўрсатувчи ташкилотлар — биржа, сотувчининг (харидорнинг) воситачиси, Марказий депозитарий»;

51-банднинг учинчи хатбоши қуйидаги таҳрирда баён этилсин:

«Давлат мулкани хусусийлаштиришдан тушган маблағлар жамғармасига пул маблағлари ўтказмаларини ва воситачилик тўловларини тўлаш бўйича БТСТ ташкилотчиси, Марказий депозитарий ва харидор воситачисининг ҳисоб рақамларига пул маблағлари ўтказмаларини амалга оширади»;

90-банддаги «харидорга хизмат кўрсатадиган депозитарийдаги» сўзлари чиқариб ташлансин;

91-банд қуйидаги таҳрирда баён этилсин:

«91. «Депозитарий ҳисоб рақамлари бўйича ўтказиш харидор томонидан депозитар хизматлар ҳақи тўлангандан кейин амалга оширилади. Харидорнинг давлат акцияларига бўлган ҳуқуқлари унинг депозитарий ҳисоб рақамидан кўчирма билан тасдиқланади»;

92-банддаги «харидорга хизмат кўрсатувчи депозитарийдаги» сўзлари чиқариб ташлансин;

б) 7-илованинг 34-банди иккинчи хатбошидаги «хизмат кўрсатувчи депозитарийсига» сўзлари «хизмат кўрсатувчи воситачисига» сўзлари билан алмаштирилсин.

18. Вазирлар Маҳкамасининг 2015 йил 10 апрелдаги 87-сон қарори (Ўзбекистон Республикаси ҚТ, 2015 й., 4-сон, 27-модда) билан тасдиқланган Ўзбекистон Республикаси Ахборот технологиялари ва коммуникацияларини ривожлантириш вазирлиги тўғрисидаги низом 11-бандининг «е» кичик бандига қуйидаги таҳрирдаги хатбоши қўшилсин:

«қимматли қоғозлар бозорини тартибга солиш бўйича ваколатли давлат органи билан биргаликда ҳисобга олиш регистрларидаги электрон ёзувларнинг бут сақланишини таъминлаш тартибини белгилайди».

19. Вазирлар Маҳкамасининг 2015 йил 27 майдаги 137-сон қарори (Ўзбекистон Республикаси ҚТ, 2015 й., 5-сон, 41-модда) билан тасдиқланган Устав фондида (устав капиталида) давлат улуши 50 фоиздан ортиқ бўлган зарар кўриб ишлаётган, паст рентабелли ва қувватлардан паст даражада фойдаланаётган саноат ва қурилиш соҳасидаги корхоналарнинг акциялари давлат пакетларини (улушларини) «ноль» харид қиймати бўйича сотиш тартиби тўғрисидаги низомнинг 21-бандидаги «харидорга хизмат кўрсатувчи депозитарийсидаги» сўзлари чиқариб ташлансин.